



05476

正始堂詩集卷之

甲午稿

廣陵陸君弼無從甫著

社友陳輔堯巨公甫校

春日懷程康伯

端居寡懽緒受謝驚芳春所思在遠道曠若參  
與辰昔別鴈南翔今聽倉庚鳴禽垂各殊候俛  
仰傷我情我情將焉如願托尺素書春江流何  
廣溯流多鯉魚惜哉無輕舟臨風倚鞦韆信誓  
苦莫申胡以慰離居離居悵無期我行日以衰  
正始堂詩集卷之  
直躬時莫容枉道友所嗤日夕衡門下聊復以  
栖遲三歎代木篇惻惻使心悲

春日同吳康虞諸君再過黃開先江樓

咎攀不厭數况復合朋簪灌木鳴禽變滄江客  
髻侵夕陽帆向背春浪郭浮沉醉罷留連坐清  
風滿玉琴

題近溪圖四首贈吳醫

誅茅傍綠溪門前無雜樹年來乞藥人但種杏  
花去

落日掩松關焚香讀秋水飛來雙白鷗時狎鳥  
皮几

興來拏小艇沿洄忘歸路忽聽黃鸝聲係纜垂  
楊渡

門外溪水寒粼粼漾空碧何來載酒船滿花靡  
蕪色

竹崖歌爲新安蔣醫賦

新安地狹人不農不以儒起輒買雄蔣生學儒  
戰屢北去學長桑代賈食貴人富家迎不前貧

正始堂詩集

卷之

二

三

者與藥不取錢聲名一日噪聞右醫以爲德名  
所後偶然北走江淮湄帶下小兒無不宜是時  
同術多引避郡人賴之鮮夭瘵

叶

天者可壽死

可生十指恒與造化爭平生好醫仍畏俗家住  
黃山惟種竹木瓢丹竈日相親此中良足避風  
塵客來乞藥常空手縱使有錢便沽酒烟枝月  
幹對自嘉却笑董家饒杏花吁嗟生醫以儒飾  
寧羨金多同買息黃金不多禍不奇里中之兒

君所知

催粧詩二首爲新安潘生賦

烟和沉水綉幃開，明月初安玉鏡臺。  
新髻一時梳未慣，嬌癡應是怕人催。

婀娜羅衣學內家，照筵銀燭煖生花。  
共將桃李誇顏色，消得潘郎果一車。

送魯守仲還宣城兼柬梅季豹文學

黃梅十日雨初晴，楊子津頭新水生。  
扁舟一葉送君去，垂楊兩岫聞蟬聲。  
青山相迎翠欲舞，敬亭雲白連秋浦。  
聞君舊結青山盟，時與諸梅稱

正始堂詩集

卷之

三

十三

狎主梅家兄弟才，絕倫眼中痴叔情。  
更真犢鼻曾擁當爐婦，魚缺羞爲幸舍人。  
季豹時買小婦住金陵前

年別我金陵，陌酒畔青衫黯無色。  
琳琅獨剩滿篋詩，徒自沾沾述祖德。  
君有述祖德詩爲梅福之系君不見

會稽市上仙，易逢南昌縣中尉。  
難得

雛燕歎隣人有孤女，纔脫齒爲後母所虐。  
不勝其捶楚，每聞輒泫然爲賦此。

君不見海燕雙飛巢君堂，朝忽單栖暮已雙。  
雙去雙來復雙止，回憶故雌長已矣。  
東風撲戶飛

殘英舊雛未大新雛生啾啾巢門同待哺可憐  
舊雛但空噤有時爭哺遭雌怒禽虫微細奚所  
知故恩苦爲新愛移古來賢聖亦有此君不見  
伯奇申生以孝死

寄壽王百穀六十

時移居錦帆涇

涇上風烟五畝宮依然隣舍似新豐屢從金馬  
辭徵士偶爲青山托寓公

君見陵人

仲蔚蓬蒿貧不

剪子雲筆札老逾工烏衣羣從翩翩在自是王  
家樂事同

正始堂詩集

卷之

四

十一

王承甫自燕京遊清涼山五臺泰文殊道  
場時五月廿二日會其六十初度賦此寄  
之

白髮名山獨羨君披裘遙犯鴈門雲天迴澤潞  
中原盡路入清涼下界分暫借伊蒲稱始壽偶  
繡貝葉悔多聞

文殊師利以智證果

野人藜杖毋勞賜獨

倚千峰送夕曛

爲吳近溪尊先公賦

聞君兼賈隱垂老臥山園不必耽枯槁堪知微

尚存榮名身後重道術枕中尊楚客多留賦偏  
悞孝子魂

送張少尹擢荆藩審理

君楚人

一官辭邑幕去去近鄉間祖道多攀轍王門好  
曳裾城陰棠葉滿江晚柳條疎賦雪尋常事君  
王愛子虛

寄周叔宗

握手長干日驚心十載餘悲來疑隔世問後得  
興居邑少先容刺牀無未讀書才應歌鳳老術  
正始堂詩集 卷之 五  
自種魚疎世路新交寡家人舊業虛五湖瓢笠  
興泊宅倘容余

爲王百穀悼亾二首

十五王家婦蛾眉早罷嬌空餘鑿帷月無復抱  
衾宵鏡掩塵常委鈿遺翠漸消悼亾詩欲就潘  
髻倍蕭條

髣髴遺容在凄涼入夢稀爐香消舊幌隣燭冷  
殘機各自芬彤管恩寧忘綠衣傷心桃葉詠江  
上淚空揮

九日獨酌

古人我所懷，其骨今已塵。今人雖與居，對面如  
越秦。俛仰西軒下，斗酒聊可親。庭菊時作花，相  
對成主賓。頽然忽就醉，不覺白日曛。白日不再  
日，朱顏不再新。冉冉百年內，疇獲與願均。樂酒  
惟今夕，此外奚所循。所以粟里翁，終古稱達民。  
○賦得殘月如新月

南樓今夜月，猶作一鉤懸。好是開簾見，依然幼  
女憐。桂香飄漸減，柳色挂仍妍。醉後隨歸騎，偏

正始堂詩集

卷之

六

三

依欲曙天

壽恩上人五十四韻

長干祝髮後，習靜向雲岑。一衲漁樵侶，雙林夏  
臘深。願弘諸佛證，行苦學人欽。盡日無塵鞅，寡  
天有梵音。貝多留宿蠹，香積下饑禽。椽拾山園  
晚，蘿垂磴戶陰。幻緣看五十，嘉月屆登臨。身世  
元知應，年華且任侵。片鴻飛近錫，叢菊布成金。  
霞態觀生滅，嵐容變古今。長空壽者相，不住化  
人心。舊侶多星散，迷津自陸沉。帝城雲縹緲，淮

浦葉蕭森襍被松房夕何時一重尋

又代友人一首

深山依雪浪名自老華林、綻衲秋雲冷、懸燈松葉深、三車權示法、半偈密傳心、座有頻伽鳥、時時送妙音、

送胡元瑞北上

君謝公車餘十年所觀察公強之始有茲行

蘭水足夷猶、書藏比鄴侯、雌黃侵百代、竹素掩千秋、未擬繻終棄、惟傷壁暗投、公車名藉甚、知不借曹丘、

正始堂詩集

卷之

七

三

又代送元瑞一首

脾病今何似、心期幸不渝、披帷秋色滿、祛篋瘵光孤、風雅思揚扆、中庸見楷模、賦看成羽獵、今日借誇胡、

賦得黃金臺再送元瑞

黃金臺何崔嵬、雄臨易水北、氣色青天開、昭王昔思報、齊耻不惜黃金求、國士劇辛樂毅接踵來、致士還聞自隗始、臺上千秋事已非、荒草烟迷識者稀、霸業么麼不足問、風雲今暗帝王

畿憶自文皇靖難始都此坐控山河成表裏累  
洽重熙二百年王路清夷視若砥九陌軒車學  
水流五侯第宅連雲起鶯花三月滿皇州躡屩  
憐君成壯遊聞道平津舊知已正逢開閣好淹  
留君才自是文章伯白晷踈眉美丰格承家况  
負公子賢薄遊耻作諸侯客尚書給札賦上林  
天子臨軒數前席上林瓌詭衆人傳凌雲之氣  
何翩翩西歸建節尋常事冉駝叩袞皆輸地萬  
里功名滿漢邊登臺那數昭王士

正始堂詩集

卷之

八

十一

龍使君君御寓江上與侯師之諸君結橫  
山社初成喜徐茂吳至自虎林夜集師之  
含清樓諸美人侍酒分得文字二首

藂桂風流在千秋雅會分豈期簪綬客還共鷺  
鷗羣稱誓皆如日聽歌半入雲白頭憐後死濫  
得與斯文

躡步名流集重樓暮景分窓明窺嶺雪檻冷落  
江雲錦幄千花妓盤囊五岳文代興吾豈敢未

許小巫群

時有新安  
詹生在坐

○冬夜龍使君招同師之諸君餞別陸轉運  
履素集王氏郊園得西字

名園一陪賞，霜露晚凄凄。  
傾蓋憐知己，臨觴惜解攜。  
淡烟疎薄外，殘月亂峰西。  
酒罷貪重立，隣村聽曙鷄。

冬夜同龍君御諸君集程康伯玄鑿室在  
陸履素分得階字

明燈深院靜，把袂故人偕。  
臘蟻初浮甕，霜蕈半萎階。  
不辭淹永夜，稍欲慰離懷。  
起步聞清磬，徐

正始堂詩集

卷之

九

飄竹外齋

康伯有清磬菴奉佛在竹房之西

余客程康伯齋頭徐茂吳見訪招同君御

諸君小飲得庭字

十年纔握手，乍可慰飄零。  
客路偏逢臘，賓筵偶聚星。  
繁霜塗砌白，殘燭映杯青。  
夜久吟難就，徘徊起繞庭。

君御廣陵買兩姬賦此以當花燭

花裡聞關引綠鞵，玉雷雙鳳下翩翩。  
也知趙璧

能如月，可道張星本在天。  
二姬一出，張鷄舌分來。

誰最寵蛾眉，畫就各爭憐。樓中半部烟花曲，自是揚州樂事偏。

冬夜程康伯招同君御諸君集玄鑒室分得簾字效初唐體十韻

斗衡迴暮節，日御薄。掩納履良朋，合披襟樂事。淹霜蕤紅覆，逕烟篠翠侵。簾鼎耐商周，近羞陳水陸。兼歌邊窺夕鳥花，際露寒蟾戲。擅藏鈎妙詩，催刻燭嚴論。交神久托把臂醉，微霑客已憐。余倦郎猶羨爾潛，京闈收竹箭邊郡借韻。

正始堂詩集

卷之

十

鈴世路東西易無嫌，酒重添。

時君御典南畿試罷量移肇昌別駕

秋書始至  
歲暮江上答陸纂父時吳左于寄纂父客

山林今得汝，臭味每憐余。隔歲書纔達，干時計總疎。轅寧羈汗血，饗自訝爰居。世路嗟難問，能無憶舊廬。

陸纂父以送客過江上同吳蹇叔集程康伯齋頭聽歌得將字

扁舟送客下維揚，此夜留君醉肅鷗。一曲清歌

紅燭短、水晶簾外月如霜。

冬夜侯師之席上送俞本之還常熟

時自楚歸

五年邗水別千里，楚遊期握手憐。茲會高樓歲暮時，青燈驚鬢短，寒雨慙杯遲。明發河橋路，霜風滿柳枝。

江上送黃二還吳門

黃工新聲

柳色吳趨路，逢君十載前。他鄉重握手，懷抱各依然。芳草居諸換，青尊去住憐。明年春雪裏，好待剡溪船。

正始堂詩集

卷之

十一

十三

雪夜程康伯齋中再送黃二

疎簾短燭夜寒生，愁向尊前聽渭城。何似孤蓬江上雪，留君猶勝故人情。

冬日過天寧寺訪恩上人

山堂初罷講，客至共登樓。平楚窓中盡，清江郭裏流。玄言酬許掾，佳句羨湯休。妙得伽音和，精看梵字雙。青山惜分手，時過虎谿頭。

歲杪寄懷陸華甫

寒河直達戶，歲序忽以殫。庭柯漸銷落，鴻鴈翩

其南廓處懷我友竄跡于甌山躬畊恒苦饑婢  
織恒苦寒白首困游道有子愚且單傷哉若敖  
世不絕僅如緹樹德弗食報積善獲其愆古亦  
有黔婁不獨君爲然

冬夜

霜飈激疎林、淒竅中清商、河漢凍不流、列星縱  
以橫、遙昔不能寐、攝衣起徬徨、丹鎧照熒熒、羅  
幃生夜涼、憂來恒無端、短歌易慨慷、歲月忽云  
邁、年命虞不將、悠悠慕儔侶、中情浩難忘、

正始堂詩集

卷之

十二

十一

有感

天運代爲勝、否者以承泰、理固有必然、柰何惛  
者昧、壤壤賈豎子、牽絲習狡獪、籌策謂無遺、其  
智等著蔡、機利易起富、况與天幸會、高室鬼瞰  
之多財、媒患害、一爲黃雀吟、假焉以興慨、

蘭溪相公以纂修

國史將薦黃州故知

縣王一鳴蘇州故通判魏學禮毘陵處士

王穉登克東觀校讐之後而不佞君弼與

焉尋坐他議中罷相公與不佞往昧平生

而 清朝曠典哀然破格見及吐握虛懷  
何能終負聊爲紀事二首非敢云謝

聞許弓旌下太常、白頭未易濫竽行、應勞丞相  
虛開閣、敢擬諸侯給辦裝、漢事可能收子駿、陳  
書誰復省中郎、柴門轍跡經年斷、自愛秋風薜  
荔長、

蕭條短褐五湖間、善病年來早閉關、業在祗堪  
傳博士、書成何敢問名山、西清雨暗秋槐細、東  
觀花深畫漏閒、簪筆此時揚馬在、淮南惟有桂

王始堂詩集  
堪攀

答王百穀寄書

書亦及國史事

八行勞爾問柴關、纒壁虛傳總汗顏、却負阮君  
高隱傳、誤教名姓落人間

題趙美人碧桃牡丹畫裙上時與汎舟西  
陂和程康伯韻

露井春風照艷輝、沉香誰與鬪芳菲、蘭舟載得  
人如燕、好把仙裙莫放飛

貽興教講僧

僧以受聘來竟不升座而去

十年師子座多借宰官場未盡求名漏能無出世妨去來心總妄人我相難忘是法皆平等君何愛廣長

貽代講僧

講堂戶牖豁秋氛一一林園向白雲縱是旃檀多妙馥也應不會逆風聞

秋日興教寺聽講楞嚴經

竹裡精藍暑乍殘偶隨淨侶一盤桓茵陳香送

正始堂詩集

卷之

十四

齋厨午松栝青分講座寒小品重看開法汰多聞終得證阿難池蓮寂寞懸燈在曾是興嚴古竺壇

中元夜憶長女孫扣扣

嗟汝死去歲忽周昨處華闈今荒丘憶昨汝死月爲七時過中元才兩日今年薦汝當中元可憐孟飯添新魂音容無時能去我何無一夢通寒溫家人往往夢見汝畏我傷心不我語年年絡繹啼清秋筠籠汝愛貯床頭只今愁坐空齋

夕露冷風酸聽不得。况是隣家兒女喧。燈前轉更添悽惻。

張誠甫移居

垂老無恒業。非關厭薜蘿。搥憐家具少。其愧借車何。漿市元堪隱。衡門更易過。釣竿欣在手。得爾共剗波。

挽林遜齋先生孔昭先大父也

白髮滄波上。栖遲老一丘。弓旌恒自避。柄鑿諒難投。謚好門生贈。言堪關尹留。生平碑有道。知

正始堂詩集

卷之

十五

不愧千秋

余時爲作外傳

病中林孔昭張誠甫顧所建數勤餽問賦

此爲謝

藥裹秋多狎。蛩音戶轉賒。乞惟仁祖米。削有故

侯瓜

時誠甫數惠吳案所建以內庖醬瓜見及

頓使琴書隔。差堪七

箸加相憐。爾同病。况復滯天涯。

孔昭時亦病

中秋夜游擊孫公招社中諸君子集署中

余以病未赴移餉見及謝此

幕敞蓮花夕。尊開桂樹秋。良時淹伏枕。明月阻

登樓賦自慚諸子，鯖何讓五侯。應憐虛左意，空負信陵遊。

是夕夏玄成亦招集未赴

咫尺隔清懽，高樓月正圓。虛勞卜夜待，轉覺星難砌。冷愁飛葉杯，深憶泛蘭車。公今潦倒樂事向誰看。

再東玄成二絕

白眼長甘與世違，懶來從負竹林期。不知北海尊前客，可着孫郎帳下兒。

正始堂詩集

卷之

十六

五

露下江城木葉乾，芳尊此夜負清懽。還聞戶屨縱橫甚，祇是公榮酒限寬。

荅金陵孫建侯

衣帶石頭水，相思歲月賒。投君青玉案，報我赤城霞。瓊樹花難問，烏衣日易斜。君家酒樓在，誰與醉京華。

挽孫母陳孺人

卽建母也

淑女今難睹，斯人古與齊。慈稱文伯母，賢婉老萊妻。篝冷熊丸在，樓空鳳吹迷。林猿啼咽處，寒

月下清溪

史高梁寡節賦美婕妤才

孺人工  
詩詞

嫫彩沉何易

江波逝不回。繰車懸暮雨。綵屨冷秋苔。雙淚孤  
兒盡。蕭蕭隴栢哀。

汪仲嘉自新都見訪同許靈長夏玄成齋  
會理公方丈

千里來嵇駕。相看向遠廬。寒暄執手罷。悲喜問  
年餘。夕照縈林薄。秋烟引磬徐。冷然快心賞。金  
坐理琴書。

正始堂詩集

卷之

十七

五

秋日招許靈長梅季豹諸君小飲齋頭時  
議復竹西舊社分得才字二首

閒門盈客屨。何敢惜蒼苔。呼雉看泥飲。雕龍讓  
藻木。情難忘海岳。遊喜得宗雷。歌吹當年罷。風  
流屬後來。

山齋秋漸好。琴酒待君開。把臂風期洽。驚心物  
候催。杯前迴爽氣。花外隱輕雷。勝事南皮在。誰  
當賦裏才。

秋日訪林孔昭武營東因留午餉

柳管東路涼風滿。葛巾相看憐舊雨。耐可屬  
蕭晨。繞筋雕胡軟。盈筐荔子新。賣文差自給。不  
畏粵裝貧。

同孔昭靈長集誠甫齋頭得看字二首

開尊屬淒候。落葉滿河干。隱自衡門得。交還古  
道看。江鱗肥鬪箸。菰米軟供餐。不惜淹留坐。山  
城夕照殘。

閒門幽事足。與客暫盤桓。竹色經秋好。蕉陰過  
雨看。食單家擅美。酒政我從寬。况是柴荆近。頻  
來不畏難。

正始堂詩集

卷之

十八

五

許靈長席上送吳于夔北上

江介多淒風。冽冽凋柳枝。柳枝不可把。鴻鴈方  
南飛。解后與子遇。久要以爲期。中愛豈弗篤。倏  
忽生別離。別易會苦難。容鬢各就萎。相對一尊  
酒。寧復辭斯須。華燈沉夜采。清露沾簾帷。誰爲  
別。雀操泠泠。寫朱絲。今日不爲懽。明日異路岐。  
路岐阻且脩。旣去勞相思。德音願毋忘。庶以慰

渴饑。

秋日同社中諸子集許靈長客舍時靈長  
有花燭之期拈得斜字二首

留客醉天涯。高樓暮景斜。綈袍憐意氣。蟋蟀感  
年華。蓬路愁方永。蘭閨夢正嘉。秋光冷銀燭。累  
夕報成花。

暝蝶欲栖鴉。來從許訥家。

許訥一名阿訥

玄言忻既洽。

浪跡未辭賒。蟻色浮觴嫩。龍涎吐篆斜。綠絲方  
理詠。能忘浣溪紗。

七閩洪玄度計部林公之甥也過廣陵首

正始堂詩集

卷之

十九

問竹西社會余病未及傾蓋投贈新篇小

間荅此

秋風吹短屐。明月問揚州。藥裹逢余病。奚囊羨  
爾遊。美才真似舅。流俗邈難儔。心好延陵劍。毋  
煩挂隴頭。

白下周日觀文學過訪以詩見投荅此

屈指南朝業。風流宛在茲。瓊華投贈屢。蘭臭納  
交遲。

堪招隱亭。荒愧問竒。綠琴山水調。千

載賞心私。

贈林計部季山

柳色暗江關東來引畫轡中朝留計重南越

世家尊臥理時堪借公羸而善病窮交誼自敦醴筵

虛左待白首愧夷門

賦得衡山壽武陵龍渠陽先生七十

何年徙霍祀茲山標楚觀芝草被玉池機衡應  
璇漢吹磴古雪殘冒嶺宿雲絮三湘迴映帶九  
峰互回亂噉噉含風援肅肅旋空鴈炎幹冬不  
凋扶光夜已煥中多仙靈窟數悲世人換矯矯

正始堂詩集

卷之

二十

五

龍大夫早息扶搖翰五遊負孤賞一行海前筭  
宗雷願能諧張邴志弗叛但娛黃髮期焉取白  
衣宦諸子挺琳球莫聲擅邦彥仲也奉休澣趨  
庭滯歲晏安輿從所邁菜服儻何爛絲肉黜姪  
哇暈血斷杯案公晚年長齋奉佛甚嚴樂真外故輕累遣  
中自宴藹藹化景舒習習谷飈渙卽事台可悅  
恍焉游汗漫

賦得震澤壽吳興茅鹿門先生九十

九州列名藪震澤稱最雄洪波三萬頃潏潏涵

太空襟帶吳與越兩曜浮西東中有洞庭山四  
際垂玲瓏地肺連南紀風穴下潜通昏曉幻萬  
狀灑氣乘其中吳王昔遊觀聞與龍威逢導之  
上包嶺素書探禹封百六演靈蕤千秋暢玄宗  
乃有蘊真士超然托冥踪鬢髮謝畏途經始苕  
上官苕水流如環峴嶸迴從龍白雲紛何來青  
鳥翮其從尚羊旣耄年綽約姑射容仲君試爲  
郎車騎過里恭季也富文藻冲齡賦少雙趨庭  
迭爲壽左右養無方華觴集親串綺肴紛錯重  
正始堂詩集 卷之十一 二十一

丈人但安坐洩洩樂未終旣富而壽康純祉萃  
其躬小子勤仰止有懷托晨風稱詩抑之什願  
獻賓筵矇

吳君卿自丹陽寄書見惠紫花布侑以新

詩荅謝

尊酒論心舊風烟會面遲偶傳江上訊還是菊  
花時詞自工黃絹交堪托素絲扁舟秋色好何  
日間茅茨

秋夜宿淮公禪榻

夕課山堂罷空庭欲二更野心元不繫幽夢竟  
難成縈戶檀烟綠飄簷桂露清懸燈照耿耿恍  
惚憶前生

往先慈孕余臨蓐恍惚見一老僧坐窓  
下喘息作秦語曰來路遠矣揮扇不止  
及免身先大父聞之曰此兒是高僧轉  
世當善視之自是先慈時時見小沙彌  
從榻後露半面窺之彌月而罷故未句  
及之

此註斷不可無

正始堂詩集

卷之

二十一

五

梅季豹遊廣陵甚困于其歸也偕靈長玄  
成孔昭誠甫釀爲之裝

秋江送君去殘暑尚離披未惜朋簪鮮那禁旅  
橐垂濫竿應自誤按劍復何疑歸及黃花好能  
妨醉接離

重陽前一夕同社中諸君集玄成齋頭餞  
靈長還武林時有吳姬侍酒

白社逢君歲欲殘暫從良夜奉清歡孤城月冷  
鴻聲急別院風淒木葉乾綠醕漫教澹客轄玉

釵偏惜挂臣冠。明朝况是登高候。忍把茱萸别  
後看。

再送靈長

孤城涼氣酒邊升。白首離群更不勝。到處清砧  
催暮景。坐來殘帙落秋燈。朱樓江上堪居妾。玄  
塵林間每就僧。况是中原牛耳在。越人能不避  
凌競。

時東越妄人有覩  
然任王李之後者

贈京口醫錢竹冷長歌

盧扁既異代。倉公亦已邈。此技人由寄。軀命揚  
正始堂詩集

卷之

二十三

五

之業者何草草。巾車但扣富兒閭。病家勤券動  
百緡。貧人有急不得請。扶攜道上徒逡巡。門前  
寂莫杏花樹。郊衢轉見添丘墳。由來茲技推京  
口。眼中錢郎稱國手。邇者買宅揚州城。諸醫避  
席不敢爭。一時境內無天瘡。家家尸祝錢先生。  
我聞醫與兵術比。父書雖授只陳絺。神奇所運  
惟此心。造化無權在汝指。汝之支祖號屋舟。高  
名不脛走九州。北地當時遠問疾。新詩今益三  
山留。君家種橘三山址。下有甘泉流。沚沚楚人

誦之殊未休。誰謂渡淮能。化枳長淮森。森三山峙。爽氣千秋蕩。爲紫君家積德亦如此。

京口茅平仲先生今年七十。仲冬過廣陵。張誠甫招余及趙學甫。蔣子夏共祝之時。余年七十四。蔣加二趙八十矣。

江上相思夢易迷。那堪垂老歎睽攜。歲星偏喜連揚域。夜雪還同在剡溪。醉向燈前貪得雉。健能花底却扶藜。漿家屠市俱堪隱。釜餽何勞入谷栖。

正始堂詩集 卷之 二十四

病中姚公理見過時別余三年矣

脾病緣衰甚。逢君歲又闌。依然貪握手。相慰但加餐。書訝經時斷。人疑隔世看。東林尋舊侶。莫遣社盟寒。

過郭第道旁冢

聞君蚤好道。白髮轉相催。萬事雲烟盡。

焦山三山風浪迴。身難同鶴瘦。世豈有龍媒。

欲借子荒冢餘荆棘。還誰挂劍來。

題寒林欲雪圖

密雲翳遙垆淒風激荒薄喜君剝啄過辛臚火  
副灼

豫章李長卿與余別十年許辛丑冬再過  
廣陵客與教舊居過訪賦此

躡屩何年下薊州別來尺素易沉浮萍踪未負  
匡君隱蓮社重尋慧遠遊寂寂殘花延夕照冷  
泠清磬度寒流蕭條塔院經行處惟有青松對  
白頭

瑞魯頌

有序

正始堂詩集

卷之

二十五

五

新安吳君卿庭有盆池大尺有咫中置  
拳石爲翫一日忽生嘉禾兩本旣秀而  
實諸君子侈其事因繪畧詠而傳之題  
曰嘉穀余按穀之自生曰稽以不由播  
藝而成也且生于咫尺之甕可稱瑞矣  
因以瑞稽易其名併作頌三章他日觀  
風者或有采焉

維天降祥生此嘉稽不畱不畱于彼庭甕頌之  
粟之其實與奠

惟無之士瘠弗盈杯惟稽之生弗藜弗蔗惟天降澤益之以靈霖其生或咳

佃彼南畝歲弗恒有惟稽之生旣庭且茂詰人樹德子孫利止于萬斯年永食報止

李本寧先生自浙臬長量移江北兵備開府于穎按部揚州投贈二首

清淮木葉滿秋天六傳遙看下日邊投杼元非慈母意褰帷暫借使君賢班辭金馬從他妬賦耻雕虫與衆傳白首神交餘廿載相思勞問薛

正始堂詩集

卷之

二十六

五

蘿烟

一麾江海十年餘豪氣元龍老未除行部偶教看豸綉折衝方喜罷魚書桂叢堪傍淮王隱濠水難尋漆吏廬宣室只今思舊劍追鋒早晚下徵車

定海表叅將使便寄余君房太常一首

越水吳山翠幾重故人書札阻春冬齋期好共

何驃騎

公與表君俱晚年佞佛

官况真如邴曼容白社歸

來盟漸解

公里中同調惟沈氏叔侄肩吾方在政府嘉則箕仲俱化異物矣

朱

絃別後奏偏慵。余別公亦十年矣。何時艤筏烟波上。同

聽潮音閣下鍾。

聞蔣子夏祝髮音陀山寄此

聞說青衫已換緇白頭。相見總無期。胡床壁上。堪誰下。空憶西窓聽雨時。

倦馬辭韁鳥脫籠。世間何水不流東。回頭多少英雄事。都付殘燈破衲中。

冬日送興教淮上人遊五臺

衲衣逢犯鴈門霜。去禮文殊古道場。豈謂法輪

正始堂詩集

卷之

二十七

五

開震旦。遂教色界住。清涼麝香雨。後留羅逕。松子秋深墜石床。恍惚青獅游戲處。攝身常在玉毫光。

贈毘陵顧滄洲

一絲江上老羊裘。不學陽鱈戀餌鉤。有印私稱漁隱長。素封却喜在滄洲。君有私印自稱漁隱長。

上督府脩翁李公祖二首

紫氣遙從攬轡過。冥搜何意及烟蘿。清朝吐握歸心遠。比屋瘡痍抗疏多。自愧通家非北海。虛

勞貸粟似監河

公時有賜穀之惠

南樓明月堪乘興幾

向胡床憶嘯歌

胡床高興幾人同、滄海遙看節制雄、緹幕霜清  
初按部、樓船波靜蚤弳弓、江河獨挽操觚日、霄  
漢常承折節風、轅下敢希天馬荐、但逢一顧已  
羣空、

岷翁楊公祖擢海防憲副二首

遙聞尺一下、明光驄馬猶然五、驪驪美政昔傳  
龔、渤海舉軍新、隸杜當陽、朱旂晴閃扶桑日、金  
正始堂詩集 卷之 二十八 五  
甲寒飛細柳霜、還喜檐帷行部處、春陰應滿舊  
甘棠、

口碑三載滿淮南、咫尺風烟借寇難、齊國自推  
司馬法、楚人今睹惠文冠、欵容東虜氛初淨、嘯  
傍南樓月正團、白髮愧叨門下士、每從賓幕奉  
清懽、

正始堂詩集卷之

乙未稿

廣陵陸君弼無從甫著

社友李廷槐植父甫校

江上送龍君御倅鞏昌兼轄西寧軍

詩借謝少

廉往

風蓬不恒聚、良時不易獲、與子托比肩、悵矣川  
塗隔、白首一投分、襟帶日相索、興言講耿耿、中  
心暢以懌、浮雲逝莫停、芳草忽已積、凌晨戒行  
李、告余萬里役、祖帳出郊坰、尊酒聊促膝、客起  
正始堂詩集 卷之 一 十一

為楚歌、主人佐之瑟、中曲一徘徊、四座有餘惻、

惻惻心意乖、飄風白日匿、所願慎前期、相勗在

令德、

驪駒朝在駕、客行將安之、攜手登河梁、俯視春

流澌、嬾婉席未温、睽離忽在茲、去去遵舊京、四

牡以倭遲、結束事戎行、慷慨復何辭、贈子王祥

刀、在佩光陸離、斯行敵王愾、一怒威羣夷、營平

請屯田、其便或可施、犬羊雖非族、何能緩拊綏、

文武以為憲、四國示安儀、歌舞入玉門、銘功于

鼎彝

春月屆孟陬，風和氣亦騰。倉庚豈後時，熠燿飛  
道隅。君子祗于役，結轡揚朱旟。適洛復邁秦，爰  
與我友俱。我友豈異人，被褐懷明珠。雅思同音  
軌，洵美羊何徒。朝炙輶轅輅，夕秣華陰駒。五岳  
陟其二，雍容賦兩都。豈不念王程，良爲夙尚紆。  
蹇余獨處廓，蜷局多所拘。睠焉增煩憂，日暮倚  
踟蹰。

江上送秦萬年之薊門

正始堂詩集

卷之

二

七

柳色暗壚頭，孤裝送爾愁。河流看渡馬，客舍聽  
鳴鳩。寧問黃金寵，還持寶劍遊。明時資畫諾，年  
少莫淹留。

題陳清甫借樹軒

芳樹借東隣，閒庭翠半侵。披襟一晏坐，乍可愜  
孤吟。牖冷分餘吹，簾疎引剗陰。更憐枝上鳥，時  
送隔牆音。

賦得踟蹰玩芝草爲新都汪豐南叅軍壽

龍芝何曄曄，托根黃山陞。黃山帝夕室，神明鬱

相麗六英敷婀娜三寶垂離離喬雲冒其莖沆  
漑滂爲滋豐干有佳士綽約冰雪姿徙倚神鼎  
側踟躕玩芳蕤采采充服食白日生羽儀拍肩  
狎洪崖擊袂要安期消搖御靈飈游戲歷紫微  
遐紀保無彊天地與等夷

贈程山人民逸

程君布衣者侗儻負遐致懷寶不得明寧恤楚  
人棄周路塞荒榛項領將安邁蹇蹇諒爲九嬪  
媿亦非志緬懷嵇阮徒中林足容遂擊節歌商  
風迴飈白日曖伯夷爲餓夫齊景侈千駟所遺  
後世稱富貴良弗超忼慨平生懷因君獲所慰

贈新安吳君卿

白岳表靈域陵谷何逶迤上有五老峰下有千  
歲芝洞門簇玄雲朝夕幻異姿以斯峻峭觀詎  
遜王官竒吳君秉夙尚逝與黃綺期紅顏賦老  
槩白首矢弗違豈無羔鴈徵磬折非所怡豈無  
綺縞裝裋褐非所辭樂莫樂其適靜躁故殊揆  
千秋子真節矯矯良弗虧

訪豫章表吉卿孝廉

明月荒臺畔。移家歲欲闌。不嫌投分淺。應愧比肩難。白晳鄉評重。黃花旅思寬。竹西堪把臂。不畏舊盟寒。

答沈嘉則過訪

命駕還千里。君能念舊歡。別來惟問歲。相慰且加餐。短褐風塵苦。空江水葉寒。滄浪歸臥好。知不負漁竿。  
君詩有題詩一相訊歸卽卽滄浪之句

答葉正朗過訪

正始堂詩集 卷之四  
十年知姓字。千里喜過從。旅食當秋杪。賓盤足晚菘。歌空楚狂鳳。好豈葉公龍。攜手柴門月。前峰翠幾重。

九日同沈嘉則葉正朗陳清甫集禪智寺  
宋姬阿登侍酒

商飈屆素節。浮陽麗幽局。菊采敷新黃。林姿餘故青。私心眷良辰。引勝臨廣庭。清謳發皓齒。高談薄玄冥。盤鱠飛銀絲。羽觴不遑停。豈不戒荒宴。聊以遺俗情。隋宮莽消歇。異代感慨并。勢集

甲圖耻運去豪節零壞垣入牛羊古殿藏精靈  
寂莫帝子駕磨滅尚書銘

寺有魏尚書驥碑記甚嘉後以脩寺廢

弔徃理可寬感來思靡寧惻惻戀遠別冉冉迫  
頽齡逝景歎晞露前晤悲晨星所希丘園義白  
首存典刑

十日送嘉則正朗遊崇川兼柬顧益卿明

卿兄弟

不盡故人意維舟送爾頻百年幾為別十日又  
成旬夕鳥懸江嶂寒烟肅渚蘋虎頭兄弟在好

正始堂詩集

卷之

五

與醉綸巾

送嘉則遊海上時東事紛紜賴四明相公

始定相公嘉則從子也

邗水逢佳節風流憶往年

君壬申秋納  
姬人廣陵

他鄉歸

未定前路幾相憐古岍茱萸月孤蓬鴻鴈天廟  
謨借猶子橫海罷樓船

送葉正朗還四明

孤城一把袂相見復相違交自憐余晚才應似  
爾稀隄寒隋柳盡江暝越山微家在橫塘上殘

花待掩扉。

婁江曹子建辟地廣陵以陸楚生書至未  
幾告歸賦此送之

紹价勞吾友時流似爾稀  
乍逢殊落落欲別轉依依  
碩鼠悲他國鱸魚憶舊磯  
弁園知不遠惆悵昔人非

秋夜懷程康伯

邊淮木葉盡秋色正蕭森  
隱几空齋月懷人永夜心  
風淒殘戍角霜冷急隣砧  
穉懶今應甚非

正始堂詩集

卷之

六

十一

關忒竹林

寄梅季豹鑾江聞將北游

與子昔爲別乃在長干間  
素書屢浮沉忽忽傷居諸  
秋風吹江水舟日以疎  
不惜舟木晚所悲音軌殊  
涉世無良符子行將馬如  
泚泚京洛兒聲利日相驅  
磬折者稱恭直躬恒見瘡  
以茲軫中懷裹足卧桑樞  
著書聊永日身後非所需  
惠思我同好攜手南山隅  
方外足自適畏路難爲趨

屠田叔以兩淮運丞量移福建東還過廣陵送此

閩嶠波臣許量移三年握別鬢成絲肯教芳草留公子好向青山問武夷海錯味鮮官舍近水晶鹽美客盤宜興來招隱還堪賦能忘淮南桂樹枝

雙髻

投繻悲世路短褐臥茅茨細雨焚香夕空山落葉時貧憐留客少老悔著書遲雙髻蕭疎甚窮正始集詩集卷之七

愁賴爾知

挽顏徵君

一郡稱耆舊千秋見表儀斯人今已矣古道竟誰持月冷城烏急風深隴木悲篋經堪授子常廢蓼莪詩

冬夜同王康成梁鴻甫集夏玄成齋中

坐深寒景晚落葉滿疏櫺未惜良時改還憐舊侶同芳尊歡易歇清論聽難終醉罷塞簾立霜天度片鴻

歲暮送謝茂昌還吳門

江上柳枝盡孤舟返舊園金空游子橐雨散故人尊  
野水兼天白荒城欲雪昏梅花堪贈我何

日寄吳門

用折梅贈陸事非隴頭也

余年六十八始舉一孫聊爾志喜

朝來湯餅抱孫初總愧行藏六十逾未必藍田  
能藝玉且教蓬戶有懸弧犀錢已辦供嘉客竹  
筍聊堪托腐儒白首分甘差自樂家風得似右  
軍無

正始堂詩集

卷之

八

士

長歌行壽汪子山四十初度

吳公臺下春江綠花月留君醉不足君顏白晣  
雅且都少年側注羞爲儒黃金快意一揮盡結  
交市上多屠沽憶昨逢君秦淮里香衫細馬珊  
瑚篋開筵夜醉青樓倡哀箏急管紛聒耳酒酣  
耻裂干膽張狂言四座盡披靡慶卿朱家彼何  
人有身不惜酬知己徒爲金多而位高蘇君有  
舌當爛死此時意氣山岳摧寧知忌者爲禍媒  
傾心輸意昔言好一朝反噬如虎豺鄒陽上書

誰復省季布雖髡何罪哉吁嗟君年今四十幸  
不身飽怨家食悛悛拆節謝徃愆濁酒新詩志  
差得挂庭犢鼻聊復爾羞從南阮低顏色君不  
見揚州酒樓高插天散金卅萬傳青蓮夜郎之  
後幾不免世人欲殺天子憐得意失意錢一囊  
鄉里小兒徒披猖蜉蝣羽好不知吳安識六月  
爲鵬息共向千秋愛景光期君努力惟明德

廣陵七先生詩 有序

洪永以還廣陵鄉喆不乏鉅卿碩輔乃

正始堂詩集

卷之

九

十一

至稱文苑之士七先生而外寡寡焉隆  
慶改元余與司訓歐先生被學使者檄  
纂 世廟實錄業已爲七先生作傳稍  
稍概其生平迄萬曆庚寅以後余坐足  
病罷公車索居無聊胠篋發故草乃各  
增系古詩一章于傳尾以當論贊 辭  
挂漏之罪聊寓私淑之衷耳

儲文懿確

文懿公輔器德音洵孔昭據詞陋六代啓專周

三朝何李力挽古、執政傾其曹、公也曲庇之、灝氣藉弗撓、小子勤仰止、瞻祠薦溪毛、

景司業賜

司業青雲彥、弱冠播英譽、廻翔金馬署、被服閒且都、傳經腹爲笥、興文唾成珠、清鑄陳廣序、華轂振康衢、豈不欣遇合、脩年弗與俱、

趙提學鶴

叔鳴富經術、爲文耻雕蟲、籌邊挾雄畧、振鐸還淳風、疾邪豈不峻、直躬難見容、接浙而去齊、蕭正始堂詩堂  
卷之  
十  
然卧滄江、著書良自適、寧藉窮愁工、

朱參政應登

朱公淮海俊、希世稱周球、修詞奮郎署、劂切多名流、高才易招妬、投荒幸見收、事悠而運促、賈志竟弗讐、翩翩竹素間、其計足千秋、

蔣參政山卿

參政何矯矯、立朝多正色、所驚在徑寸、而復耻直尺、南狩批逆鱗、中途斲修翮、靈均亦何罪、子椒獨相厄、日暮休園雲、空堂一徘徊、

朱九江曰藩

九江富家學、奕奕稱象賢、翰墨妙一世、詞采何  
新鮮、結撰雖自己、巧者由天然、登蒙元禮譽、晚  
守子雲玄、豈不遺香澤、胡益東施妍、

宗僉事臣

宗君最蚤貴、雅志托玄素、中原獲嘉耦、攜拾良  
已富、鴻鵠高天風、芙蓉絢朝露、雖雄復古力、年  
短不克副、萬里在其足、惜哉窘岐路、

附跋廣陵七先生詩

正始堂詩集

卷之

十一

七

不佞久知海內有陸無從先生者才甚高  
過廣陵維舟訪焉雖城居乎而蓬蒿之徑  
幾沒人一室蕭然市囂不至于耳不佞方  
起家赴京相對歎息如武陵漁人一入桃  
源唯恐其返舟而路不可再也乃知無從  
所以得名海內者獨才乎哉已出所爲七  
先生詩七先生皆無從鄉人不佞素所向  
徃無從與歐楨伯各有傳未之見得見今  
詩人不數言而所以發潛德詔來世與夫

誅讒邪而哀時命者瞭然在目雖無傳可也則無從其詩家子長乎廣陵祠宇甚盛富商大賈不難千金以奉象數獨無肯俎豆七先生者或上之人無以倡之耳自古採詩下及里巷謳謔與夫婦人女子之作今以無從詩且不得上聞此又足以觀時矣辛卯夏日西陵梅國楨克生甫書于維揚舟中

庚寅秋余爲廣陵七先生詩未半以病棄

去明年辛卯春因取續成之會楚梅克生先生過廣陵爲跋數語卷尾客索稿者衆不能人人給乙未冬因刻之帙一夕偶夢與郡邑諸博士載酒汎舟登一寺閣而以畫葉子行酒余所得葉子七各貌一人衣冠甚古類今街彈室三老者中一人向余拱手謝曰老夫吳陵人辱君嘉什貽余輩推轂過情雖異世而知已也余膝席再謝不敢旣寤乃憶疇曩所爲七先生詩實首

吳陵儲文懿公夢謝余者豈公平以是知  
七先生之靈尚昭灼宇宙間未泯也因呵  
凍記之爲月之小至日

英雄接武歌爲壽陽陸將軍賦

騾褭爲駒汗已赤虎子氣猛牛可食陸君自是  
英雄人雙瞳電八尺身少年材略富文武豪  
舉陵原不足伍手調生馬如搏羊左右馳射來  
風雨下馬緩頰談詩書文采儒林傳楚楚乾坤  
幸際清寧期 至尊安未怠拊髀乘時邁運看  
正始堂詩集 卷之 十三

君起報國承家當有爲壽陽况屬興龍地諸將

草昧

紛從義君家烈祖與同時開疆之勛垂帶

礪盟垂帶礪山河尊代興今復在雲孫豈直簪  
纓光嗣服應勞磐石奠中原君不見西周召虎  
稱世臣細柳終能伐勃軍英雄接武古今事由  
來將種生將門滔滔淮泗真源衍永見君家佐

帝藩

